

ARABA
EUSKARAZ

Atsedean hartzeko gerizpe ederra aurkitu zuen batek baino gehiagok.

JONTXU

Plazatik Larrañora: etapa 'erregina'

L.K.G. / AUDIO

Piotr Ugrumov Arraten aurtengo Euskal Bizikleta ziurtatzen ari zen bitartean baziren milaka euskaldun etaparik gogorrean: Herriko plazatik Larraño mendiraino zihoan ibilbide gogorrean. Zeren eta polita zela askok onartu zuten, baina baita 'profesionalentzat' bakarrik zela ere.

Laudioko Herriko plazan hasi zen, non megafoniak egun osoz atera zuen musikak aurtengo kanta ezagutarazi zuen. Hantxe dantzan dozenaka gazte egon ziren goizean, eguerdian eta arratsaldean, txosnak parean zituztela, eta eromena arratsaldean iritsi zen Eganen kontzertuarekin. Baina eromenaz gainera euri-jasa etorri zenez...

Bigarren area Audio ikastolan zen eta plazatik ikastolarainoko bidea eguneko etapako lehen mendate gogorra zela esan behar. Zaila zen igoera, eskaileraz bete, baina ezin arriskutsuagoa jaitsiera. Burua apurtzeko modukoa, bai. Eskerrak igo ondoren eta jaitsi aurretik egonaldi polita izan zela, umeen jokoak, bertolariak eta bazkaria zirela eta.

Laudioko ikastolatik Lamuzako parkea den 'marko konparaezina' Hemen pelotoiak atsedean hartzeko aprobeztatu zuen eta ederto lagundu zuten abesbatzek, bertsolariek, eta atsedean hartu beharrean gorputzak tente jartzeko, Tapia eta Leturiak. Hantxe ikusi genituen behin, bitan, hiritan EUSKALDUNON EGUNKARIAko lankideak, eskuak eta aurpegia tintaz zikinduta baina etengabe '44.000 irakurle konponbide bila' izenburuko idazkia partitzen.

Ugarte, Ellakuri, Larrano Lamuza atzean utzirik, errepidea berriro gora jarri zitzaigun Ugarterako bidean. Onenek besterik ez zuten eustetik, eta beraz, askotxo ziren umez gainezka pasatzen zen tren txikitxora igo nahirik zeudenak. Hala ere, txanoan ehun bat txapa zera

ramatzen treneko jefek ez zien utzi eta etapak aurrera jarraitu zuen Letziagarako bidean barrena. Eta sorgina?

Ugarteratik Ellakurira jendea urduri jartzen hasia zen, zetorrena gogorrean baita. Herri kirolen edertasuna eta Arabako Dantzarien Biltzarren ikuskaria espejismo hutsa baino ez zen, berehala Larraño mendia zetorrelako eta tropela guztiz sakabanaturik zegoelako jadanik. 50.000 txirrindulariz osotutako pelotoiak eutsi egin arren bereak eta bost pasatu zituen Larrañoaldean.

Larrañotik Herriko plazara iritsi zirenek txosnetara jo zuten edariak hil edo bizikoak zituzten eta. Izan ere, etapak eguzki izugarri baten konpainia izan zuen eta desagertzen hasi zen txirrindulari askorik ez zegoenean, arratsalde partean, hain zuten.

Goardia zibilak
european

Jai hauek nahikoa egitura propioa eskatzen dute. Baina horrezaz gainera, bereak ez dituen gauza asko mugitzen ditu. Esaterako, fanfarre, trikitilari eta oro har musikari talde batzuek parte hartu nahi izan zuten nahiz eta antolakuntzak ez aurrikusi. Mugimendu sozialek nahiz elkarteek, berauen aldarrikapenekin bat egin ahal izateko eskaintza zabala egin zuten atzo. Azkenik, goizeko 9.30etan gutxi batzuk baino ez ziren kaleko saltzaileak eguerdialdean makina bat ziren. Hasieran Laudioko udaltzainak kaltetik botatzen saiatu ziren, baina saltzaile goiztiarrei errieta egitea baino ez zuten egin, azkenean denak geratu zirelako.



Poliziez ari garela, ikusle bereziak izan zituen Araba Euskaraz-ek: Goardia Zibila. Zirkuitua koartelaren ondotik pasatu zenez, ibiltari bakoitzak ikusi ahal izan zituen Goardia Zibilaren bi Patrol, auto bat eta hiru 'numero' goardia egiten, metraileta eta guzti. Goardia zibilek, berriz, denetarik ikusi ahal izan zuten: hankapaluak, trikitilariak, erraldoiak... Babesa, beraz, primerakoa.



Arratsaldeko 6.30ak aldera izugarrizko euri-jasa egin zuen. Egundoko ekaitza izan zen, jendea ia oharitu gabe harrapatzen dutenetakoa. Hala izan zen, Lamuzan lasai-lasai, zirkuituaren erdian edo Eganekin bete-betean zegoen jendetzak bat-batean ospa egin eta herriko tabernetara joan behar izan zuten. Laudioko Araba Euskaraz eta euria, nonbait, elkarren artean oso-oso loturik daude.



Egun osoz jende oldeak bete zituen Laudioko bazter guztiak. JONTXU



Hasiera ekitaldian ederki astindu zuten danborra ikastolako haurrek. JONTXU